

KENYATAAN MEDIA



KEMENTERIAN PERDAGANGAN DALAM NEGERI DAN KOS SARA HIDUP
No. 13 Persiaran Perdana, Presint 2,
62623 Putrajaya
No. Telefon : 03-8882 5562
No. Fax : 03-8882 5569

BERKAITAN ISU PENIPUAN LABEL TELUR PREMIUM

PUTRAJAYA, 5 DISEMBER 2022 - Kementerian Perdagangan Dalam Negeri dan Kos Sara Hidup (KPDNKS) ingin memaklumkan bahawa Kementerian ini telah mengambil tindakan segera berhubung laporan akhbar Utusan Malaysia pada 4 Disember 2022 berkaitan isu penipuan label telur premium yang mendedahkan terdapat beberapa pemborong berkonspirasi menukar label telur gred biasa kepada telur premium untuk meraih keuntungan berganda.

2. Harga telur jenis premium tidak di kawal sebaliknya Kerajaan menerusi KPDNKS telah menetapkan Harga Ladang, Borong dan Runcit Maksimum bagi telur ayam gred A, B dan C di bawah Perintah Kawalan Harga dan Antipencatutan (Penentuan Harga Maksimum Bagi Ayam Dan Telur Ayam) 2022. Perintah ini telah berkuat kuasa pada 5 Februari 2022.
3. Sepanjang tahun 2022, pihak Kementerian telah menerima sebanyak 291 aduan berhubung telur ayam meliputi 117 aduan berhubung gred telur dan 174 aduan umum mengenai telur ayam.
4. Susulan isu ini, pihak Kementerian telah mengambil beberapa sample telur premium yang di jual di pasaran di beberapa premis yang terpilih. Sample telur ini akan dihantar untuk dilakukan ujian bagi mengetahui kandungan telur tersebut adalah tepat sepertimana yang didakwa oleh pihak pengeluar, pemborong dan peruncit terbabit.

5. Tindakan boleh diambil selepas keputusan ujian makmal diterima dan didapati telur yang diuji tidak premium sepertimana yang didakwa oleh pihak berkaitan. Mana-mana pihak yang membuat perihal dagangan palsu mengenai kandungan atau saiz boleh diambil tindakan di bawah Seksyen 5(1)(b) Akta Perihal Dagangan 2011 dibaca bersama Seksyen 6(1)(b) dan boleh dikenakan penalti seperti berikut:

- (a) Individu; boleh didenda oleh mahkamah sehingga RM100,000 atau dipenjarakan tidak melebihi tiga tahun atau kedua-duanya dan;
- (b) Syarikat; boleh didenda sehingga RM250,000.

6. Akhir sekali, KPDNKSH turut menggalakkan pengguna menjadi mata dan telinga kepada Kerajaan untuk menyalurkan maklumat berkaitan pelanggaran undang-undang membabitkan isu penipuan label telur premium di pasaran secara rasmi melalui saluran berikut:

- i. Whatsapp ke 019- 279 4317 / 019-848 8000
- ii. Portal e-aduan.kpdnhep
- iii. Call Centre 1-800-886-800
- iv. Emel e-aduan@kpdnhep.gov.my
- v. Ez ADU KPDNHEP
- vi. Pusat Arahan Penguatkuasaan (ECC) 03-8882 6088/6245

#####

Azman bin Adam
Ketua Pengarah Penguat Kuasa
Kementerian Perdagangan Dalam Negeri
dan Kos Sara Hidup
PUTRAJAYA

5 DISEMBER 2022